


L 591.4631

N 800



**SACRAM MEMORIAM
REGIS SERENISSIMI
DIVI
FRIDERICI GVILLELMI III**

VNIVERSITATIS FRIDERICIAE GVILELMAE RHENANAЕ

CONDITORIS MVNIFICENTISSIMI

AB EADEM VNIVERSITATE DIE III. MENSIS AVGVSTI ANNI MDCCCLXXVIII

HORA XI

PIE RECOLENDAM

VICTORVMQVE RENVNTIATIONEM E LITTERARVM CERTAMINIBVS
PRODEVNTIVM

INDICIT

ADOLPHVS LIBER BARO DE LA VALETTE ST. GEORGE

ORDINIS MEDICORVM H. A. DECANVS.

INEST DISSERTATIO
DE SPERMATOSOMATVM EVOLVTIONE IN PLAGIOSTOMIS.

BONNAE
FORMIS CAROLI GEORGI VNIV. TYPOGR.

DE SPERMATOSOMATVM EVOLVTIONE IN PLAGIOSTOMIS.

Plagiostomorum spermatosomata, quae magnitudine et peculiari quadam forma in primis ad evolutionis studium apta sunt, hac ratione iam plurim observationes in se contraxerunt. Scripserunt de iis Hallmann, Lallemand, Vogt et Pappenheim, Bruch, ego ipse, omnium accuratissime Semper.

Quum iam diutius spermatosomatum in diversis animalium generibus evolutiones una notione studerem comprehendere, id quod iam antea in amphibiis⁹), nuper autem in mammalibus hominibusque¹⁰⁾ feci, nunc lubenter in Plagiostomorum testes inquisivi, quos, in maris septentrionalis littoribus collectos, aut recentes aut bene conservatos, vir amicissimus Nussbaum et van der Bilt, iudex Flesingensis, rerum naturalium amantissimus, ea qua sunt benignitate mihi concesserunt. Atque ita mihi contigit, ut in *Galeo cane* et *Raja clavata* de rebus ad hunc locum pertinentibus uberioris disquirere possem.

In testium evolutionem propterea inquirere non potui, quod embryonum copiam non habui.

De *Galeo cane*.

Testium structuram generaliorem ampullarumque dispositionem omitto.

Ampullarum minimae erant circiter 0,026 mm. Velamentum externum, quod ampullas earumque pediculos involvit, ex membrana coniunctiva multos nucleos continent constat. Fig. 3. Haec membrana in latere interiore cellularum strato simplici bene ordinato exstructa est, quas cellulas vocabo *spermatogonias*. Una quaeque harum cellularum unum continet nucleum, in alcoholio granulosum. Inter eas intercedunt alii nuclei, oblongi, illis ipsis minores, quos patet pertinere ad cellulas terminis non satis distinctas, quae, ut mihi persuasum est, eo funguntur munere, ut follicularum modo spermatogonias quaeque ex his nascuntur involvant et inter se ad *follicularum membranam* efficiendam concrescant. In ipsis his ampullis lumen admodum angustum conspexi. Fig. 1. Ampullarum maiorum mutatio prima, quae observari poterat, in spermatogoniarum reduplicatione consistebat. Fig. 6. Cellulae ex hac reduplicatione orientes, inter se omnino similes, dupli ordine dispositae sunt. Fig. 6. Reduplicatio ipsa ab ampullarum peripheria ad centrum progreditur. Eodem tempore augmentur follicularum nuclei, qui in luminis

circumferentia congregantur. Spermatogoniarum divisione exoritur cellularum columna, sive *spermatogemma*, quae tum brevior tum longior est, tum minorem tum maiorem cellularum copiam continet.

Ampullae lumen terminos suos distinctos retinet.

Ubi cacumina spermatogemmarum, quae basi latiore membranae externae insident, in luminis circumferentia se contingunt, inter se conjuncta sunt spermatogemmarum ipsae ubique a follicularum membrana, quae nucleis peculiaribus cognoscitur, circumdantur.

Ipsae ampullae membrana propria videntur carere.

Procedente spermatogemmarum evolutione follicularum nuclei rariores fuint et paullatim evanescere videntur.

In uniuscujusque autem spermatogemmarum basi, simulatque eius cellulae ad numerum maiorem accreverunt, magnus apparet nucleus, interdum reniformis, qui vel unum vel plures nucleolos satis resplendentes continet.

Cellulas, quae ex spermatogoniarum divisione oriuntur, *spermatocytæ* vocaverim.

Haec spermatocytæ intra follicularum membranam mutantur in *spermatosomata*, eodem plane modo, quem alio loco de *Raja bati* breviter quidem sed accurate descripti.

Nonnulla evolutionis progredientis momenta in figura 7—12 depinxi⁶).

Saepius contingit, ut ampullæ reperiuntur, quae, maturis spermatozomatis electis, conciderint. Circumferentia earum interior corporibus instructa est conicis, quorum cacumina in ampullæ lumen porriguntur. Fig. 13. In basi harum ampullarum semper nucleus oblongus reperitur, interdum reniformis, quod idem in omnibus spermatogemmis maturis accidit.

Follicularum membrana, quae spermatogemmas involvit, ita optime cognoscitur, si ampullæ alcoholio sive liquore Mülleri obduratae sectione transversa secantur.

In ampullis ita dissectis distinete cernitur, qua ratione follicularum membrana singulis septis per ampullam inde a circumferentia usque ad lumen transeat eamque in singulas cavitates favis similes dividat. A membrana follicularum dissecta spermatogemmarum vel earum partes circumdantur. Fig. 14, 15, 16, 17.

Hoc loco singularis cuiusdam materiae albuminosae mentio iniicienda est, quae iam in spermatogemmis iunioribus cernitur in hisque formam globulorum tum minorum tum maiorum habet. In iunioribus iacent dispersi, in iis, quae prope maturae sunt, in prima parte tertia conglobati sunt. Fig. 12, 15, 17, P.

Quum in folliculo vacuo non iam inveniantur, aut cum spermatozomatis electi esse aut evanuisse videntur.

Haematoxylino facile tinguntur. Testium stroma maxima parte e cellulis peculiaribus 0,014 mm magnis, nucleos 0,007 mm magnos continentibus, compositum est, quae arctissime coniunctae sunt et parva corpusecula valde resplendentia haematoxylinoque facile tingenda involvunt. Fig. 18. Spermatozomata paene matura, quae non nisi infra caput protoplasmatis globulum habebant, in testibus recentibus inveni. Fig. 19. Caput eorum in novem vel decem spiras contortum, 0,074 mm magnum, pars dilucidior, intra protoplasmatis globulum sita, 0,012 mm magna, filamentum circiter 0,1 mm longum erat.

De Raja clavata.

Rajae clavatae ampullae quas videbam minimae, piriformes, 0,049 mm longae, 0,043 mm latae erant, earumque pediculus 0,01 mm crassus. Structura earum eadem erat atque in Galeo cane. Fig. 20. Compositio quoque ampullarum et eorum, quae iis continebantur, evolutio cum Galei canis ampullis consentiebat. Illustrantur quae diximus figura 21 usque ad figuram 35, figura 39, figura 41, 42.

In particulis fere recentibus, quas in sero iodato observavi, cellulas inveni magnis et dilucidis nucleis unoque vel duobus vel pluribus nucleolis resplendentibus instructas, quae spermatogoniae mihi videntur esse. Fig. 36, 37, 38. Hi nucleoli manifesto nucleorum liquoris sedimentum in latere interiore membranae nuclei sunt. Fig. 38.

In his particulis pariterque in aliis, quae breve per tempus ammonio molybdaenico imbutae erant, saepius spermatocytorum acervus conglobatus apparebat, qui sine dubio membrana peculiaris involutus erat. In qua membrana magnus nucleus nucleolum splendentem continens vel etiam cellula granulosum protoplasma involvens, quae ad cellularum acervum adiuncta erat, cernebatur. Fig. 40, 44, 45.

In his formationibus magnam mihi videoe conspicere similitudinem cum spermatocystis, quas in multis vertebratis¹⁰⁾ et in amphibiis⁹⁾ descripsi; quam ob causam nucleus illum nunc etiam nucleus cystae vocabo.

Quae si ita se habent, spermatogemmis duae convenient membranae, altera cystarum, quae ex spermatogoniarum partibus progigni videtur, altera follicularum, quae ex follicularum cellulis nascitur. Cystarum membranam non ea certitudine, qua follicularum, cognoscere potui, propterea quod mihi viva materia uti non licet. Ceterum memoratu digna videtur esse magna quaedam similitudo, quae inter nucleus illum et spermatogemmarum nucleus basilarem in mammalibus¹⁰⁾ intercedit; cuius quidem nuclei basilaris origo nondum satis aperta est.

In spermatosomatis fere perfectis caput cernebatur in quinque spiras contortum 0,074 mm magnum, infra caput pars quaedam dilucidior, parvo protoplasmatis globulo involuta, 0,0112 mm longa, filum terminale circiter 0,087 longum.

Magno opere hanc meam disquisitionem adiuvabat liber multis et novis observationibus insignis, quem Semper⁸⁾ edidit; quamquam observationibus meis, ut facile intelligitur, ad sententias diversas perveni.

Postquam Waldeyer⁵⁾ omnium primus perspexit, quae epithelii germinativi esset vis in glandularum evolutione generationi inservientium, Semper ipsam huius epithelii efformationem in Selachiorum testibus investigavit. Utramque enim cellularum eius speciem usque ad ampullarum formationem persequitur.

Non dubito, quin hae eius sententiae verae sint, quamquam eas observationibus a me ipso factis comprobare mihi non licuit. Hoc unum autem mihi admodum incertum videtur, quod ampullarum lumina cellulæ centralis resorptione oriri putat. Imagines enim, quibus hanc rem illustrari existimat tab. XVII, fig. 9, 10, 13, pag. 390, non satis probant; alia autem quaedam imago, tab. XXI, fig. 20 eique adiecta explicatio, pag. 391, prorsus videtur repugnare⁸⁾.

Meo quidem iudicio ampullarum lumina potius spermatogoniarum, quae a membrana e follicularum cellulis composita circumdantur, divisione gignuntur.

Ex illa Semperi sententia, quae mihi quidem falsa videtur, plures aliae sequuntur, quas a vero aberrare et censeo et observationibus meis comprobare possum.

Namque si cellula centralis, quam Semper vocat „Urei“, in ampulla evanuit, solae follicularum cellulae reliquae sunt, e quibus ipsis Semper novas cellulas, „Ureier“, quas ego spermatogonias dico, progigni contendit. Hac autem opinione differentia, quae inter spermatogonias et follicularum cellulas intercedit, tollitur, et follicularum ovuli origo ab ampullarum origine omnino separatur, Cf. p. 392^s). Haec autem originis diversitas abest, si spermatogonias e cellulae centralis divisione prodire statuimus. Quod ad meam sententiam attinet, ampulla primitiva idem est atque folliculus ovulum centrale involvens; progrediente ampullae evolutione spermatogoniae et follicularum cellulae divisione augmentur et plures efficiunt folliculos, quorum quisque spermatogoniam continet. Cuius evolutionis stadia quaedam Semperi imaginibus tabula XVII fig. 12 et 24, quas omnino recte delineatas censeo, expressa esse videntur; eiusmodi stadia ipse figura 1—8 et 20—23 depinxi. Itaque spermatogenesin ab oogenesi gradu solum, non re, differre existimo; quum enim in folliculo unum tantum sit ovulum follicularum cellulis circumdatum, in ampulla sive canaliculo seminali plures sunt spermatogoniae, quarum quaeque follicularum cellulis involuta est.

Verum magis etiam Semper errare mihi videtur, quod spermatoblastos, quos ego spermatocyta voco, a follicularum cellulis vel earum progenie repetit. Illi enim spermatoblastorum multiplicatio a *centro* incipere videtur, ego autem eam a *peripheria* spermatogoniarum divisione fieri inveni. Itaque de hac re sententiam plane contrariam sequimur.

Quas ille cellulas tectorias, sive cellularum tectoriarum folliculos, sive conicas cellulas genitrices spermatoblastorum vocat, potius cystarum et follicularum membrana, quem ille cellularum tectoriarum nucleus dicit, cystarum nucleus esse videntur. Globus ille materiae, quae protoplasmatis similitudinem habere videtur, intra spermatocystam formatus, quem supra descripsi, a Sempero corpus propulsionis nuncupatur.

Priusquam disputationis finem faciam, non inutile mihi videtur esse, breviter de vocabulis monere.

Primum de Ebner spermatoblasti nomine ad eas cellulas significandas usus est, e quarum protoplasmate solo, non nuclei divisione, spermatosomatum capita efformantur. Semper autem aliqui scriptores recentiores eodem nomine res omnino diversas significant. Deinde ex usu esse putaverim, cellulas magnitudine a follicularum cellulis diversas, ante differentiam sexualem communi quodam nomine appellare, exempli gratia, genoblastos, post hanc differentiam, quamdiu divisione sui similia generare possunt, oogonias sive spermatogonias, postea ovula sive spermatocyta. Si quis autem spermatoblastorum nomine uti voluerit, optime eo spermatocytam appellabit.

His interiectis ut iam ad propositum revertar, hoc pro certo mihi videor posse affirmare, omissis aliorum auctorum opinionibus dissentientibus, meam de Plagiostomorum spermatogenesi explicationem et cum iis consentire, quae ego ipse de eadem re et in hoc et in aliorum animalium generibus observavi, et non dissertare ab iis, quae ab aliis re vera observata, minus autem recte explicata sunt.

Explicatio tabulae.

Litterae figuris appositae, quas pariter in aliis etiam scriptis adhibui, significant:

Sg. Spermatogemmas;

Scyt. Spermatocytas;

Ck. Cystarum nucleus;

Fh. Follicularum membranam;

Fk. Follicularum nucleum;

P. Protoplasmatis globulum;

K. Ampullarum velamenti nucleus.

De Galeo cane.

Fig. 1. Ampulla parva cum pediculo a latere conspecta. Alcoholio.

Fig. 2. Ampulla parva a parte superiore conspecta. Alcoholio.

Fig. 3. Ampulla parva eodem modo conspecta, cum particula membranae interioris. Alcoholio.

Fig. 4. Id. Alcoholio.

Fig. 5. Ampulla parva in sectione optica visa. Alcoholio.

Fig. 6. Spermatogemma cum duobus spermatocytis et tribus follicularum nucleis. Alcoholio.

Fig. 7. Spermatogemma cum pluribus spermatocytis. Alcoholio.

Fig. 8. Spermatogemma cum multis parvis spermatocytis et cystae nucleo. Alcoholio.

Fig. 9. Spermatogemma cum spermatocytis nucleis dilucidos includentibus et cystae nucleo. Alcoholio.

Fig. 10. Spermatogemma cum spermatocytis, quorum nuclei in bacilli formam prolongati sunt. Alcoholio.

Fig. 11. Spermatogemma cum spermatocytis, quorum nuclei longiores etiam et incurvati apparent. Alcoholio.

Fig. 12. Spermatogemma cum spermatozomatis paene maturis, protoplasmatis globulo, cystae nucleo. Alcoholio.

Fig. 13. Folliculus vacuus cum cystae nucleo. Alcoholio.

Fig. 14. Particula segmenti ex ampulla facti cum septis follicularum e membrana confectis, et cum spermatocytis ad eum evolutionis gradum pertinentibus, qui fig. 9 depictus est. Alcoholio.

Fig. 15. Sectio per folliculos maturos facta cum grege spermatozomatum, infra superficiem sitorum, cum protoplasmatis globulo, cum cystae nucleo. Liquore Mülleri.

Fig. 16. Sectio similis, cum grege spermatozomatum et cystae nucleo. Alcoholio.

Fig. 17. Sectio e parte inferiore facta, cum grege spermatozomatum et protoplasmatis globulo. Alcoholio.

Fig. 18. Cellula quaedam singularis e testis stromate sumpta. Alcoholio.

Fig. 19. Spermatosoma paene maturum. In statu recenti.

De *Raja clavata*.

Fig. 20. Ampulla parva cum pediculo a latere conspecta. Alcoholio.

Fig. 21. Segmentum parvae ampullae cum spermatogoniis et follicularum nucleis. Alcoholio.

Fig. 22. Segmentum ampullae paulo adultioris, cum spermatogoniis et multis follicularum nucleis. Alcoholio.

Fig. 23. Segmentum ampullae etiam adultioris, cum spermatoeytis duplarem seriem conficientibus et follicularum nucleis. Alcoholio.

Fig. 24. Segmentum ampullae cum spermatoeytis quatuor series confidentibus, et follicularum nucleis. Alcoholio.

Fig. 25. Segmentum cum spermatoeytis e sex ordinibus constantibus, et raris follicularum nucleis. Alcoholio.

Fig. 26. Spermatogemma cum multis spermatoeytis, uno follicularum nucleo unoque cystae nucleo. Alcoholio.

Fig. 27. Spermatogemma cum spermatoeytis nucleos dilucidos inclientibus, spermatosomatum filaments proiicientibus. Alcoholio.

Fig. 28. Spermatogemma cum spermatoeytis, quorum nuclei dilucidi facti sunt, et cum filamentis prodeuntibus. Liquore Müller.

Fig. 29. Spermatogemma cum spermatoeytis oviformibus, quae in spermatosomata vertuntur. Liquore Müller.

Fig. 30. Spermatogemma, cuius pars externa folliculo inhaeret. Alcoholio.

Fig. 31. Spermatogemma maturior a follicularum membrana paullulum remota. Alcoholio.

Fig. 32. Spermatogemma cum spermatosomatis paene maturis, dupli protoplasmatis globulo, cystae nucleo. Liquore Müller.

Fig. 33. Folliculus vacuus cum cystae nucleo. Alcoholio.

Fig. 34. Particula ampullae intereuntis, superne conspectae, cum cystarum nucleis. Alcoholio.

Fig. 35. Sectio per tres folliculos paene maturos facta, cum spermatosomatum gregibus, globulis protoplasmatis, cystae nucleo. Liquore Müller.

Fig. 36. Spermatogonia cum nucleo et nucleolo. Recens.

Fig. 37. Spermatogonia cum duobus nucleolis. Recens.

Fig. 38. Spermatogonia cum tribus nucleolis membranae nuclei adhaerentibus. Recens.

Fig. 39. Particula sectionis per trium follicularum longitudines factae, in eo evolutionis gradu, qui in figura 27 cernitur. Liquore Müller.

Fig. 40. Spermatocysta parva cum nucleo. Ammonio molybdaenico.


Fig. 41. Duae spermatogeminae parvae cum follicularum membrana aperta, globulis protoplasmatis, cystarum nucleis. Liquore Müller.

- Fig. 42. Sectio folliculi in evolutionis gradu figurae 27. Liquore Müller. .
Fig. 43. Spermatosoma paene adultum. Recens.
Fig. 44. Spermatocysta cum nucleo. Recens.
Fig. 45. Spermatocysta cum nucleo. Liquore Müller.

Index librorum adhibitorum.

1. C. Hallmann, Ueber den Bau des Hodens und die Entwicklung der Samenthüre der Rochen. Müllers Archiv 1840 p. 467 Tab. XV Fig. 1—6.
2. Lallemand, Observations sur le développement des Zoospermes de la Raie. Annales des sciences naturelles. III Serie. Tom. XV. 1841. p. 257 Tab. 10.
3. C. Vogt et Pappenheim, Recherches sur l'anatomie comparée des Organes de la génération chez les animaux vertébrés. Annales des sciences naturelles. IV. Serie 1859. p. 105—107.
4. Edm. Bruch, Études sur l'appareil de la génération chez le Sélaciens. Strassburg 1860. p. 20—25. Tab. III.
5. W. Waldeyer, Eierstock und Ei. 1870.
6. v. la Valette St. George, Stricker, Handbuch der Lehre von den Geweben. 1871. p. 541.
7. v. la Valette St. George, Ueber die Genese der Samenkörper. Dritte Mittheilung. Archiv f. mikroskop. Anatomie. Tom. X. 1874. p. 495. Tab. XXXV.
8. Semper, Arbeiten aus dem zoologisch-zootomischen Institut in Würzburg. 1875. p. 195 cet. Tab. XV seq.
9. v. la Valette St. George, Ueber die Genese der Samenkörper. Vierte Mittheilung. Archiv f. mikroskop. Anatomie. Tom. XII. 1876. p. 797. Tab. XXXIV et XXXV.
10. v. la Valette St. George, Ueber die Genese der Samenkörper. Fünfte Mittheilung. Archiv f. mikroskop. Anatomie. Tom. XV. 1878. p. 261. Tab. XV—XIX.

Galeus canis.



591.4631 N800 c.1

De spermatosomatvm evolvtione in pla



086 832 401

UNIVERSITY OF CHICAGO